

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-230-36/19

Datum: 27.01.2022. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Evropski univerzitet u Brčko distriktu BiH**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

o akreditaciji visokoškolske ustanove **Evropski univerzitet u Brčko distriktu BiH**

O b r a z l o ž e n j e

Dana 13.05.2019. godine Agencija je zaprimila od Odjeljenja za obrazovanje Vlade Brčko distrikta BiH (u daljem tekstu: Odjeljenje) Zahtjev za provođenje eksterne evaluacije visokoškolske ustanove **Evropski univerzitet u Brčko distriktu BiH** sa prijedlogom za imenovanje komisije stručnjaka, broj: 07-1154SO-024/19 od 16.04.2019. godine u kojem je predloženo da Agencija imenuje Komisiju stručnjaka koja će obaviti posjetu predmetnoj visokoškolskoj ustanovi i, na osnovu utvrđenog stanja, dati preporuku o ishodu akreditacije predmetne visokoškolske ustanove. U prilogu prijedloga dostavljen je Zahtjev za akreditaciju, te dokumentacija u skladu sa članom 14. stav (1) Pravilnika o akreditaciji visokoškolskih ustanova i studijskih programa u Brčko distriktu BiH. Dana 30.05.2019.godine je naknadno dostavljena Dopuna prijedloga za imenovanje Komisije stručnjaka, broj: 07-1154SO-025/19 od 20.05.2019. godine, koja je sadržavala po tri nova stručnjaka za svaku od propisanih kategorija stručnjaka, uz prijedlog za imenovanje predsjednika Komisije stručnjaka iz kategorija predstavnici akademske zajednice u BiH, predstavnici privrede i prakse i predstavnici međunarodnih stručnjaka.

Uvidom u dostavljenu dokumentaciju Agencija je utvrdila da Samoevaluacijski izvještaj predmetne visokoškolske ustanove nije napisan u skladu sa Odlukom o kriterijima za akreditaciju visokoškolskih ustanova u Bosni i Hercegovini (Službeni glasnik BiH, broj 96/16) (u daljem tekstu: Odluka o kriterijima) i Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, br. 100/11 i 26/19) (u daljem tekstu: Odluka o normama). Na osnovu navedenog dana

www.hea.gov.ba, e-mail: info@hea.gov.ba

18.06.2019.godine je upućen zahtjev Odjeljenju za dostavljanje Samoevaluacijskog izvještaja u skladu sa važećim dokumentima. Nakon toga od strane Odjeljenja su dostavljeni akti sa istim naslovom, brojem, datumom i sadržanim tekstom, ali u različitim vremenskim terminima i sa različitim priložima, te je Agencija nakon intenzivne korespodencije dana 16.06.2020.godine ponovo uputila zahtjev za dopunom Samoevaluacijskog izvještaja.

Dana 07.07.2020.godine od strane Odjeljenja je dostavljena Dopuna zahtjeva-Prijedlog za imenovanje Komisije stručnjaka za akreditaciju predmetne visokoškolske ustanove, nakon čega je ponovo uslijedila intenzivna korespodencija u smislu implementacije odnosnih zakonskih i podzakonskih akata te primjene dobrih praksi.

Agencija je, postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016.godine, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) u skladu sa članom 49. alineja 4) Okvirnog zakona, imenovala Komisiju stručnjaka Rješenjem, broj: 05-33-1-230-15/19 od dana 05.01.2021. godine.

Nakon imenovanja Komisije stručnjaka utvrđeno je da se član Komisije stručnjaka, predstavnik privrede i prakse nalazi u sukobu interesa sa predmetnom visokoškolskom ustanovom, te je podnio ostavku na mjesto člana Komisije stručnjaka, poslije čega su predsjednik Komisije stručnjaka i predstavnica studenata isti dan podnijeli ostavke na članstvo u Komisiji stručnjaka u predmetnom postupku akreditacije.

Postupajući u skladu sa odgovarajućim aktima, a prije svega uvažavajući sve činjenice vezane za provedene aktivnosti u predmetnom postupku, Agencije je nadležnom Odjeljenju dana 10.02.2021.godine uputila novi Zahtjev za dopunom prijedloga Komisije stručnjaka za akreditaciju predmetne visokoškolske ustanove.

Dana 22.02.2021.godine Agencija je zaprimila Dopunu prijedloga Komisije stručnjaka, nakon čega je 15.03.2021.godine pod brojem: 05-33-1-230-17/19 doneseno Rješenje o izmjeni Rješenja o imenovanju Komisije stručnjaka.

Nakon toga, imenovana Komisija stručnjaka je analizirajući dostavljeni Samoevaluacijski izvještaj utvrdila da pomenuti izvještaj ne predstavlja adekvatnu osnovu na temelju koje bi se na odgovarajući način mogla ocijeniti ispunjenost zahtjeva iz Odluke o kriterijima, a sve to zbog činjenice da podaci u Samoevaluacijskom izvještaju potiču iz 2018.godine i ne pružaju jasnu sliku o kvantitativnim i kvalitativnim indikatorima kvaliteta na visokoškolskoj ustanovi, Agencija je dana 29.03.2021.godine Agencija je u ime Komisije stručnjaka, od nadležnog Odjeljenja tražila dostavljanje ažuriranog Samoevaluacijskog izvještaja predmetne visokoškolske ustanove.

Dana 20.04.2021.godine od strane nadležnog Odjeljenja je dostavljena dokumentacija u vidu printanih i elektronskih formi ažuriranog Samoevaluacijskog izvještaja predmetne visokoškolske ustanove.

Nakon toga su uslijedile nove ostavke i povlačenja iz Komisije stručnjaka, a koje su sve rezultirale novim zahtjevima za dopunama prijedloga Komisije stručnjaka upućenih od strane

Agencije, odnosno dostavljanjem novih prijedloga Komisije stručnjaka od strane Odjeljenja, te shodno navedenom i donošenjem novih izmjena Rješenja o imenovanju Komisije stručnjaka. Nakon intenzivne korespondencije i svega navedenog, Komisija stručnjaka je dana 30.11.2021.godine Agenciji dostavila Izvještaj o eksternoj evaluaciji visokoškolske ustanove **Evropski univerzitet u Brčko distriktu BiH**, radi izdavanja preporuke o akreditaciji visokoškolske ustanove.

Uvidom u Izvještaj, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te
- da je napisan u skladu sa Odlukom o normama i Odlukom o kriterijima.

U skladu s Odlukom o normama, Komisija stručnjaka je ocijenila ispunjenost deset kriterija za akreditaciju opisnim ocjenama, kako slijedi:


- a) Politika osiguranja kvaliteta: *znatno ispunjen*
- b) Izrada i odobravanje programa: *potpuno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *znatno ispunjen*
- f) Resursi za učenje i podrška studentima: *potpuno ispunjen*
- g) Upravljanje informacijama: *potpuno ispunjen*
- h) Informisanje javnosti: *potpuno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *potpuno ispunjen*

U cilju postupanja Agencije u skladu sa članom 49. alineja 5) Okvirnog zakona, u smislu izdavanja preporuke za predmetnu visokoškolsku ustanovu, te kako bi se na odgovarajući način mogla steći ukupna slika o ispunjenosti zahtjeva kriterija, propisanih u Odluci o kriterijima, i datih ocjena Komisije stručnjaka u Izvještaju, Agencija je postupila u skladu sa članom 4. Instrukcije o davanju preporuke, te aktom broj: 05-33-1-230-32/19 od 29.12.2021.godine, od Komisije stručnjaka tražila dopunu Izvještaja u smislu davanja analitičkog osvrta na ispunjenost zahtjeva kriterija uz davanje konkretnih primjera implementacije procedura u smislu njihove efikasnosti, načina provođenja i eventualnih unapređenja kao rezultata praktične primjene tih procedura, te davanje novih preporuka uzimajući u obzir stvarno stanje i nalaze Komisije stručnjaka utvrđene prilikom posjete predmetnoj visokoškolskoj ustanovi. Dana 18.01.2022.godine Agenciji je od strane Komisije stručnjaka dostavljena tražena dopuna Izvještaja.

Visokoškolska ustanova bi trebala po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima;
- vremenski okvir za realizaciju preporuka kao i potrebne finansijske i ljudske resurse;
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Evropski univerzitet u Brčko distriktu BiH**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove i studijskih programa u Državni registar akreditovanih visokoškolskih ustanova u Bosni i Hercegovini.



Dostaviti:

- Odjeljenje za obrazovanje Vlade Brčko distrikta BiH
- Evropski univerzitet u Brčko distriktu BiH
- Sektor 05
- a/a